

Broj:02-442-14/20

Datum, 31.08.2021.godine

Na osnovu člana 64. stav (1) i člana 70. stav(1) tačke (3) i (6) Zakona o javnim nabavkama („Sl. glasnik BiH“, broj 39/14) odredaba Pravilnika o javnim nabavkama JZU UKC Tuzla broj 01-8-4-1/15 od 02.07.2015.godine, u skladu sa članom 45. stav (1) Statuta Javne zdravstvene ustanove Univerzitetski klinički centar Tuzla (prečišćeni tekst), na osnovu preporuke Komisije za javne nabavke u otvorenom postupku javne nabavke medicinske opreme – CT aparata i digitalnog RTG aparata (2 komada), v.d. direktora je donio

ODLUKU

o izboru najpovoljnijeg ponuđača

Prihvata se Preporuka Komisije za provođenje otvorenog postupka javne nabavke medicinske opreme - CT aparata i dva komada digitalnog RTG aparata i ugovor za javnu nabavku CT aparata i dva komada digitalnog RTG aparata će se ponuditi napovoljnijem ponuđaču "Tuzla-Farm" d.o.o.Tuzla Ul. Rudarska 71. Tuzla.

II

U skladu sa odredbama člana 72. Zakona o javnim nabavkama ("Službeni glasnik BiH" broj 39/14) ugovorni organ će ponuditi ugovor ponuđaču iz tačke I ove odluke radi javne nabavke medicinske opreme kako slijedi:

- LOT-1- CT aparat pod nazivom Somatom Definition Edge, model VB20/2021, proizvođača Siemens Healthcare GmbH, R Njemačka po cijeni 1.279.000,00 KM bez uračunatog PDV-a, 1.496.430,00 KM sa uračunatim PDV-om,
- LOT-2- Digitalni radiografski RTG aparat pod nazivom Multix Fusion Max, godina proizvodnje 2021, proizvođača Siemens Shanghai Medical Equipment Ltd. Zemlja porijekla NR Kina, po cijeni 458.000,00 KM bez uračunatog PDV-a, 535.860,00 KM sa uračunatim PDV-om
- LOT-3- Digitalni fluoroskopski RTG aparat pod nazivom Luminos Fusion, godina proizvodnje 2021, proizvođača Siemens Shanghai Medical Equipment Ltd, zemlja porijela NR Kina, po cijeni 310.000,00 KM bez uračunatog PDV-a, 362.700,00 KM sa uračunatim PDV-om.

Ukoliko ponuđač prihvati prijedlog ponuđenog ugovora, obavezan je dostaviti dokumentaciju zahtijevanu tenderskom dokumentacijom iz člana 45. Zakona o javnim nabavkama, u roku od 7 dana od dana prijema ove odluke.

III

U skladu sa članom 70. stav (6) Zakona o javnim nabavkama, ova Odluka će biti objavljena na web-stranici ugovornog organa www.ukctuzla.ba, istovremeno, sa upućivanjem ponuđačima koji su učestvovali u postupku predmetne javne nabavke.

IV

Odluka stupa na snagu danom donošenja.

Obrazloženje

Nakon objave obavještenja o nabavci broj 867-1-1-113-3-95/20 od 14.07.2020. godine, ispravki za obavještenje o nabavci broj 867-1-1-113-3-96/20, 867-1-1-113-3-29/21, 867-1-1-113-3-129/21, 867-1-1-113-3-167/21, postupajući u skladu sa članom 63. Zakona o javnim nabavkama BiH Komisija za javne nabavke koja je imenovana rješenjem direktora broj: 02-442-2/20 (u daljem tekstu:Komisija) je, nakon isteka krajnjeg roka za podnošenje ponuda, pristupila javnom otvaranju prispjelih ponuda.

U predmetnom postupku preuzeto je 20 tenderskih dokumentacija u sistemu "E-nabavke", a zaprimljene su i otvorene dvije oмотnice sa ponudama i jedna dopuna ponude ponuđača: 1. "Tuzla-farm" d.o.o. Tuzla, Rudarska 71, 75000 Tuzla, 1-1. "Tuzla-farm" d.o.o. Tuzla- dopuna ponude 2. "Berg" d.o.o. Sarajevo, Grbavička 7a, 71000 Sarajevo. Nakon što je izvršila uvid u dokumentaciju Komisija je konstatovala da je ugovorni organ u periodu prikupljanja ponuda, zbog izjavljenih žalbi ponuđača na tendersku dokumentaciju, u više navrata obustavljao i nastavljao postupak predmetne javne nabavke, te je iz tog razloga za postupak objavljen na Portalu javnih nabavki dana 14.07.2020. godine, a javno otvaranje ponuda izvršeno 12.08.2021. godine. U daljem radu Komisija je na osnovu analize dostavljene dokumentacije utvrdila da ponude sadrže dokaze o ispunjenju kvalifikacionih uslova postavljenih u tenderskoj dokumentaciji, odnosno ponuđači ispunjavaju kvalifikacione uslove u skladu sa odredbama člana 45, u smislu člana 46. tehničke i profesionalne sposobnosti ponuđača i člana 52. Zakona o javnim nabavkama ("Službeni glasnik BiH", broj 39/14). Komisija je, također, utvrdila da su ponuđači dostavili garancije za ozbiljnost ponude u obliku bezuslovne bankovne garancije. Iznosi dostavljenih garancije za ozbiljnost ponude su za LOT 1- 19.219,23 KM, LOT 2- 6.900,00 KM i LOT 3- 4.650,00 KM, sa rokom važenja tokom cijelog perioda važenja ponude. Ponuđač "Tuzla-farm" d.o.o. Tuzla je, obzirom na datum predaje ponude (05.03.2021. godine), a zbog obustave postupka nije izvršeno javno otvaranje ponuda, dostavio dopunu ponude sa Aneksom 2 u kojem je rok važenja ponude za period definisan tenderskom dokumentacijom računajući od isteka roka za prijem ponuda (12.08.2021. godine), kao i nove garancije za ozbiljnost ponude za lot 1, lot 2 i lot 3 sa validnošću kao i period važenja ponuda. Na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, Komisija je konstatovala da su prihvatljive ponude navedenih ponuđača, izuzev ponude ponuđača "Berg" d.o.o. Sarajevo za lot 3- Digitalni fluoroskopski RTG aparat. Daljom analizom Komisija je utvrdila da je ponuđač "Berg" d.o.o. Sarajevo u Aneksu 2, tačka 7. propustio ponuditi rok isporuke za Lot 3. Takođe je utvrđeno da je navedeni ponuđač u izjavama koje je bio u obavezi dostaviti u skladu sa uslovima tenderske dokumentacije definisanih tačkom 9. Tehničke specifikacije, naveo da se izjavljeno odnosi za lot 1 i lot 2. Ponuđač je dostavio i izjavu da će, ukoliko njegova ponuda bude ocijenjena kao najpovoljnija, dostaviti garanciju za dobro izvršenje kako je traženo tenderskom dokumentacijom za lot 1 i lot 2. Na osnovu utvrđenog Komisija je ponudu ponuđača "Berg" d.o.o. Sarajevo za lot 3-Digitalni fluoroskopski RTG aparat ocijenila neprihvatljivom, jer ponuda nije potpuna i ne ispunjava zahtjeve iz tenderske dokumentacije. Daljom analizom vezano za ispunjenje zahtjeva tenderske dokumentacije u pogledu opisa predmeta nabavke i tehničkih specifikacija, Komisija je utvrdila za: Lot 1- CT aparat-ponuda ponuđača "Tuzla-farm" d.o.o. Tuzla ispunjava zahtjeve u pogledu opisa predmeta nabavke i tehničkih specifikacija, odnosno u skladu je sa zahtjevima definisanih tenderskom dokumentacijom. Komisija je u pogledu opisa predmeta nabavke i tehničkih specifikacija ocijenila ponudu ponuđača "Tuzla-farm" d.o.o. Tuzla za lot 1, prihvatljivom. Ponuda ponuđača "Berg" d.o.o. Sarajevo ne ispunjava zahtjeve tenderske dokumentacije, iz razloga što ponuđač u svojoj ponudi je priložio tehničku dokumentaciju za uređaj koji nudi, ali dokumentacija nije na jednom od jezika u službenoj upotrebi u Bosni i Hercegovini, kako je to traženo tačkom 9. tenderske dokumentacije, u kojoj je određeno: „Ponuđači su dužni uz ponudu dostaviti originalnu katalošku/prospektnu dokumentaciju, (sa prevodom bez ovjere), u kojoj treba da jasno naznače tehničke karakteristike iz tabele minimalnih tehničkih karakteristika koje ponuđena oprema ima“. Također je utvrđeno da je ponuđač propustio dostaviti popunjen aneks 4 u skladu sa zahtjevom definisanim obrascem. Daljom analizom je utvrđeno da ponuđena roba ne ispunjava zahtjeve ni u dijelu traženih tehničkih karakteristika i to: a) za stavku redni broj 1.2 traženo je "Min. 380 slojeva u rekonstrukciji pri jednoj rotaciji od 360°", a ponuđeno je "160", odnosno ponuđeno je 160 slojeva u rekonstrukciji pri jednoj rotaciji od 360 stepeni (str.12.); b) za stavku redni broj 5.5 traženo je "Veličina malog fokusa, najviše 0,7 x 0,7 mm, a većeg fokusa najviše 0,9 x 1,1 mm", a ponuđeno je "0,9 mm x 0,8 mm (small), 1,6 mm x 1,4 mm (large)" (str. 14.) c) za stavku redni broj 8.8 traženo je "Kino prikaz („CINE“), sa maksimalnom brzinom prikaza od min. 30 fps", a ponuđeno je "14 fps", odnosno ponuđeno je kino prikaz (CINE), sa maksimalnim brzinom prikaza od 14 fps; Komisija je u pogledu opisa predmeta nabavke i tehničkih specifikacija ocijenila neprihvatljivom ponudu ponuđača "Berg" d.o.o. Sarajevo za lot 1. Lot 2- Digitalni radiografski RTG aparat ponuda ponuđača "Tuzla-farm" d.o.o. Tuzla ispunjava zahtjeve u pogledu

opisa predmeta nabavke i tehničkih specifikacija, odnosno u skladu je sa zahtjevima definisanih tenderskom dokumentacijom. Komisija je u pogledu opisa predmeta nabavke i tehničkih specifikacija ocijenila ponudu ponuđača "Tuzla-farm" d.o.o. Tuzla za lot 2, prihvatljivom. Ponuda ponuđača "Berg" d.o.o. Sarajevo ne ispunjava zahtjeve u pogledu opisa predmeta nabavke i tehničkih specifikacija, jer je utvrđeno da ponuđena medicinska oprema ne ispunjava zahtjeve traženih tehničkih karakteristika i to: a) za stavku redni broj 1.2 traženo je "Dimenzije ploče pacijent stola, min. 240 cm x 80 cm", a ponuđeno je "220 x 81 cm" (str. 5.); b) za stavku rednog broja 1.4 traženo je "Mogućnost pomijeranja plivajuće bucky ploče: longitudinalno: min. +/- 45 cm i transversalno: min. +/- 14 cm", a ponuđeno je "longitudinalno: + 60/-50 cm i transferzalno: +/- 12 cm (str. 5.); c) za stavku rednog broja 1.10 traženo je "Pokrivenost polja detektora, od lijeve ivice do desne ivice pacijent stola, min. 100 cm", a ponuđeno je "81 cm" (str.5.); d) za stavku rednog broja 2.3 traženo je "Brzina pomijeranja u Z-osi, min. 0,10 m/s", a ponuđeno je "0.8 m/s" (str.6.); e) za stavku rednog broja 4.3 traženo je "Maksimalni toplotni kapacitet anode RTG cijevi, min. 780 KHU", a ponuđeno je "600 KHU"; (str.7.) f) za stavku rednog broja 4.4 traženo je "Maksimalni toplotni kapacitet kućišta RTG cijevi, min. 2.4 MHU", a ponuđeno je "2.0 MHU" (str.7.); g) za stavku rednog broja 4.8 traženo je "Brzina rotacije obrtne anode, min. 10.500 okr/min", a ponuđeno je "9700 okr/min" (str.7.) h) za stavku rednog broja 6.14 traženo je "Baterija detektora mora izdržati, bez punjenja, min. 950 snimaka", a ponuđeno je "720 snimaka" (str.9.). Slijedom navedenog Komisija je u pogledu opisa predmeta nabavke i tehničkih specifikacija ocijenila neprihvatljivom ponudu ponuđača "Berg" d.o.o. Sarajevo za lot 2. Lot 3- Digitalni fluoroskopski RTG aparat ponuda ponuđača "Tuzla-farm" d.o.o. Tuzla ispunjava zahtjeve u pogledu opisa predmeta nabavke i tehničkih specifikacija, odnosno u skladu je sa zahtjevima definisanih tenderskom dokumentacijom. Provjerom računске ispravnosti prihvatljivih ponuda, Komisija nije utvrdila računске greške. Ugovorni organ je pokrenuo postupak predmetne nabavke sa namjerom provođenja e-aukcije, ali obzirom da nisu ispunjeni uslovi, e-aukcija nije pokrenuta ("Službeni glasnik BiH" broj 66/16), te nije primijenjen preferencijalni tretman domaćeg, preostala je jedna prihvatljiva ponuda. Komisija je, nakon analize i ocjene ponuda prema kriteriju za izbor, konstatovala da je ponuđač "Tuzla-farm" d.o.o. Tuzla dostavio prihvatljivu ponudu za: Lot 1- CT aparat, Lot 2- Digitalni radiografski RTG aparat, Lot 3- Digitalni fluoroskopski RTG aparat.

Shodno navedenom, komisija je preporučila Ugovornom organu da donese odluku o izboru najpovoljnijeg ponuđača "Tuzla-Farm" d.o.o. Tuzla, ul. Rudarska 71. Tuzla, LOT-1- CT aparat pod nazivom Somatom Definition Edge, model VB20/2021, proizvođača Siemens Healthcare GmbH, R Njemačka po cijeni 1.279.000,00 KM bez uračunatog PDV-a, LOT-2- Digitalni radiografski RTG aparat pod nazivom Multix Fusion Max, godina proizvodnje 2021, proizvođača Siemens Shanghai Medical Equipment Ltd. Zemlja porijekla NR Kina, po cijeni 458.000,00 KM bez uračunatog PDV-a, LOT-3- Digitalni fluoroskopski RTG aparat pod nazivom Luminos Fusion, godina proizvodnje 2021, proizvođača Siemens Shanghai Medical Equipment Ltd, zemlja porijela NR Kina, po cijeni 310.000,00 KM bez uračunatog PDV-a, zbir cijena ponuda za koje je Komisija dala preporuku o izboru i dodjeli ugovora (3 lota) iznosi 2.047.000,00 KM bez PDV-a.

U postupku ocjene provedenog postupka, Ugovorni organ nije našao nepravilnosti niti propuste u radu, koji bi, eventualno bili osnov za neprihvatanje preporuke Komisije za javnu nabavku, kao i da je izbor najpovoljnijeg ponuđača izvršen je u skladu sa Zakonom, podzakonskim aktima i tenderskom dokumentacijom.

Iz navedenih razloga, a u skladu sa odredbama člana 70. Zakona o javnim nabavkama BiH odlučeno je kao u dispozitivu ove Odluke.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke

Dostaviti:

- 1x Ponuđači,
- 1x web-stranici Ustanove,
- 1x Evidencija.

K.S.

2^o v.d. DIREKTOR
Prim.doc.dr med.sci. Alen Kamerić

